

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 1508 del 06/06/2024

Traduzione in mòcheno

Pèrngbìsn, de earstn unterstìtzn ver 1,1 milion va euro

[Mòcheno] De Autonome Provinz va Trea't gip aus laischiar 1,1 milion va euro ver za unterstìtzn ber as zìgt junga kelber, pet de rif za leing zua nou gèlt finz za aribarn as 1,8 milion va euro pet de ònder o'be leing van bilanz. Der bando - u'ganommen en sitz va de Junta, as de vourtschbinn van asesor va de lòntschòft - paschraip as de vrong miasn kemmen vourstellt van ma'ta as de 27 va moi finz as de 3 van heibeger 2024, petn portal SrTrento. S ist an unterstìtzn ver za etzn de pèrngbìsn, as hòt abia rif sèll za trong envire de auzìglnbèrk ont de doi òlt òrbet as tuat guat en de vicher ont en de eirter van pèrg, asou ist òlls mear kuriart ont schea'ner.

De hilf ist a prais va nèt mear as 200 euro ver an iats jungs vi as ist kemmen trong asn pèrg (nèt mear as 40 vicher) ver nèt minder as 70 ta en de zait van earst van prochet - 15 van leistungst. S doi gèlt ist garèchnt noch en gèlt as hom praucht de auzìglbèrk ver za versichern de attivitet van etzn de pèrngbìsn, iberhaup petn zins van bìsn ont van stelder, s gèlt as kimmpr praucht ver za trong de vicher ont òlls sèll as noat ist ver za trong asn pèrg de kelber. Vil de naiekett, men miaset minder kòrt mòchen ont de hilf ist neamer zan minderstn. S ist gor kemmen drinn galeik as benn oa's oder mearer vicher kemmen pfrèssn va groasa vlaischèssvicher, der prais kimmpr va nai't garèchnt noch de ta as de vicher hom gaetz der pèrg: vouraus ist nia kemmen inngahòltn en paitrog.

Ibersetz gamòcht van Sprochtìrl va de Tolgamoas'schòft Hoa Valzegu' ont Bersntol

(cdt)